

## 曹全碑全文

君諱全，字景完，敦煌效穀人也。其先蓋周之胄，武王秉乾之機，翦伐殷商，既定爾勳，福祿攸同，封弟叔振鐸于曹國，因氏焉。秦漢之際，曹參夾輔王室，世宗廓土斥（境）竟，子孫遷于雍州之郊，分止右扶風，或在安定，或處武都，或居隴西，或家敦煌。枝分葉布，所在為雄。君高祖父敏，舉孝廉，武威長史、巴郡胸忍令張掖居延都尉。曾祖父述，孝廉、謁者、金城長史、夏陽令、蜀都西部都尉。祖父鳳，孝廉、張掖屬國都尉丞、右扶風隴糜侯相、金城西部都尉，北地太守。父瑋，少貫名州郡，不幸早世，是以位不副德。

君童龀好學，甄極瑟緯，無文不綜。賢孝之性，根生於心，收養季祖母，供事繼母，先意承志，存亡之敬，禮無遺闕，是以鄉人為之諺曰：“重親致歡曹景完。”易世載德，不隕其名。

及其從政，清擬夷齊，直慕史魚，歷郡右職，上計掾史，仍辟涼州，常為治中、別駕。紀綱萬里，朱紫不謬。出典諸郡，彈枉糾邪，貪暴洗心，同僚服德，遠近憚威。

建寧二年，舉孝廉、除郎中、拜西域戊部司馬。時疏勒國王和德，弑父篡位，不供職貢。君興師征討，有吮膿之仁，分醪之惠。攻城野戰，謀若涌泉，威牟諸賁，和德面縛歸死。還師振旅，諸國禮遣，且二百萬，悉以簿官。

遷右夫風槐里令，遭同產弟憂，棄官。續遇禁罔（岡），潛隱家巷七年。光和六年，復舉孝廉。七年三月，除郎中，拜酒泉祿福長。誅賊張角，起兵幽冀，兗、豫、荆、楊同時并動。而縣民郭家等復造逆亂，燔燒城寺，萬民騷擾，人喪不安，三郡告急，羽檄仍至。于時聖主諒諷，群僚咸曰：君哉！轉拜郃陽令，收合餘燼，芟夷殘迸，絕其本根。遂訪故老商量，偁艾王敞、王畢等，恤民之要，存慰高年，撫育鰥寡，以家錢糴米粟，賜癡盲。

大女桃斐等，合七首藥神明膏，親至離亭。部吏王宰、程橫等，賦與有疾者，咸蒙瘳。惠政之流，甚於置郵，百姓緇負，反者如雲。戢治廡屋，市肆列陳。風雨時節，歲獲豐年，農夫織婦，百工戴恩，縣，前以和（河）平元年，遭白茅谷水害，退於戊亥間，興造城郭。

是後舊姓及修身之士，官位不登。君乃閔縉紳之徒不濟，開南寺門，承望華嶽，鄉明而治。庶使學者李儒、樂規、程寅等，各獲人爵之報。廓廣聽事官舍，廷曹郎閣，升降揖讓朝覲之階。費不出民，役不干時。

門下掾王敞、錄事掾王畢、主簿王歷、戶曹掾秦尚、功曹史王顛等，嘉慕奚斯，考甫之美，乃共刊石紀功。其辭曰：懿明后，德義章，貢王廷，征鬼方，威布烈，安殊荒。還師旅，臨槐里。感孔懷，赴喪紀。嗟逆賊，燔城市。特受命，理殘圯，芟不臣，寧黔首。繕官寺，開南門，闕嵯峨，望華山，鄉明治，惠沾渥。吏樂政，民給足。君高升，極鼎足。中平二年十月丙辰造。

〔注〕 漢郃陽令曹全の碑、曹景完碑ともいう。後漢の靈帝中平2年に建碑、明の萬

歴初、陝西省郿陽県に出土した。

文字はほぼ完全で彫鏤も絶佳なため、古来より隸書の模範として最も珍重された。殊に我国では隸書といえは曹全碑というほどで、隸書の祖師というべきである。

「中日大辭典」の題字は、昭和17年大阪駈々堂書店の昭和新選碑法帖大観第2輯第7巻漢曹全碑から採ったものである。